



KEMENTERIAN PENGANGKUTAN
MALAYSIA

SIARAN MEDIA MENTERI PENGANGKUTAN MALAYSIA

PELEPASAN BARANGAN *NON-ESSENTIAL* UNTUK AKTIVITI EKSPORT-IMPORT PADA SETIAP HARI ISNIN, RABU DAN JUMAAT BERMULA 18 JUN 2021

Kementerian Pengangkutan Malaysia (MOT) sentiasa memantau tahap kapasiti penyimpanan kontena di pelabuhan serta lapangan terbang di seluruh negara sepanjang pelaksanaan Perintah Kawalan Pergerakan (PKP) 3.0 yang bermula pada 1 Jun dan dilanjutkan hingga 28 Jun 2021. Pemantauan tersebut mendapati beberapa lokasi kini telah menghampiri kapasiti maksimum.

MOT menyambut baik keputusan Majlis Keselamatan Negara (MKN) untuk membenarkan **pelepasan barangan (loading dan unloading) *non-essential* oleh pengeksport dan pengimport dari jam 8:00 pagi sehingga 8:00 malam pada hari Isnin, Rabu, dan Jumaat bermula pada 18 Jun 2021**. Operasi ini juga akan membolehkan pergerakan barangan *non-essential* (terhad kepada stok sedia ada) untuk pengimportan dan pengeksportan ke negara-negara jiran. Operasi untuk barangan *essential* yang telah memperolehi pengesahan pendaftaran daripada MITI boleh diteruskan seperti biasa dan tidak tertakluk kepada perkara ini.

Keputusan ini diambil setelah menimbangangkan keperluan untuk menangani pandemik COVID-19 dan memastikan pergerakan barang tidak terjejas yang pastinya akan mengganggu pasaran konvensional termasuk aktiviti e-dagang.

MOT telah melaksanakan kaedah sama semasa penguatkuasaan PKP 1.0 pada awal tahun 2020 yang lalu supaya dapat menjamin kelancaran pergerakan barangan.

Aktiviti yang bermula pada 18 Jun ini adalah terhad kepada loading dan unloading kargo ke atau dari kilang, pelabuhan dan lapangan terbang bagi tujuan eksport dan import. Ini adalah meliputi pelepasan (clearance), perancangan (planning), pergerakan barang, operasi forklift, memuat dan memunggah.





KEMENTERIAN PENGANGKUTAN
MALAYSIA

PROSEDUR

Pengeksport, pengimport, dan pengendali gudang boleh mendapatkan kebenaran Polis Diraja Malaysia (PDRM) di balai polis terdekat dengan mengemukakan dokumen lengkap yang berkaitan sebagai bukti (seperti invoice, bil muatan, senarai pembungkusan, dan lain-lain yang berkaitan.) Senarai nama pekerja yang terlibat untuk melaksanakannya juga perlu dilampirkan. Bilangan pekerja yang dibenarkan adalah terhad dan perlu mematuhi SOP yang berkaitan.

Kelulusan daripada pihak PDRM ini boleh digunakan sebagai kebenaran perjalanan bagi pekerja di sekatan jalan raya (SJR) dan perlu ditunjukkan kepada pihak berkuasa jika diperlukan semasa loading dan unloading tersebut dilaksanakan.

PEMATUHAN PENCEGAHAN COVID-19

MOT akan meneruskan pemantauan berterusan untuk memastikan kelancaran pergerakan barangan agar tidak menjejaskan keperluan pengguna.

Semua kakitangan diingatkan supaya sentiasa menjaga penjarakan sosial sekurang-kurangnya satu (1) meter, meminimalkan interaksi, dan sangat digalakkan agar menggunakan transaksi tanpa sentuhan. Kesemua Prosedur Operasi Standard (SOP) berkaitan mestilah dipatuhi termasuk penggunaan cecair pembasmi kuman, memakai peralatan pelindung diri (PPE) yang sesuai, dan mengimbas kod QR MySejahtera.

DATUK SERI IR. DR. WEE KA SIONG
MENTERI PENGANGKUTAN MALAYSIA
17 JUN 2021

-TAMAT-

Tentang MOT:

Kementerian Pengangkutan Malaysia bertekad untuk menjadi peneraju transformasi sistem pengangkutan yang bersepadu, efisien dan selamat dengan memperkasakan sistem pengangkutan berteraskan teknologi sebagai pemangkin pembangunan negara.

Pertanyaan Media
Kementerian Pengangkutan Malaysia

Hotline 1-800-88-7723
Faks +603 8892 0208
E-mel aduan@mot.gov.my

